

Tafsiira Suuratu Yuusuf-Kutaa 11

Description

Sagaagalumatti Kufuu wayyaa moo Hidhamuu Wayyaa?

Niitin Aziiiz Yuusufin wal-qunnamuuf garmalee barbaadde. Dubartoota fuunduratti yoo inni fedhii ishii kana hin guutiniif, akka adabbii cimaa adabamu itti dhaadatte. Yommuu Yuusuf (aleyh salaam) dhaadhanna (zaacha) kana dhagahuu fi dubartoonni ishii qeeqaa turan gaafi ishiitiif deebii akka deebisuuf isa jajjabeessan argu, gara Gooftaa isaatti qajeeluunakkana jechuun kadhat:

قالَ رَبُّ السِّجْنِ أَحَبُّ إِلَيَّ مِمَّا يَدْعُونِي إِلَيْهِ وَإِلَّا تَصْرِفْ عَنِّي
كَيْدَهُنَّ أَصْبُ إِلَيْهِنَّ وَأَكُنْ مِّنَ الْجَاهِلِينَ

٢٢

Ni jedhe, â€œGooftaa kiyya! Wanta issaan itti na waaman caalaa hidhaan na biratti jaallatamaadha. Yoo Ati shira isaanii narraa hin deebisin, gara isaanitti daba, wallaaltota keessaa tokko taâ€™a. â€œSuuratu Yuusuf 12:33

Yuusuf ni jedhe: Yaa Rabbii kiyya hoo! Sagaagalummaa issaan itti na waamanitti kufuu caalaa hidhaan naaf jaallatamaadha. Sababni isaas, sagaagalummaatti kufuun adabbii guddaa fi yeroo dheeraaf turuuf nama saaxila, hidhaan immoo yeroo gabaabaf kan turuudha. â€œInumaa, manni hidhaa badii issaan itti waaman irraa isa fageessa. Yuusuf sagaagalumatti kufuu caalaa mana hidha erga filatee booda humnaa fi tooftaa ofiitirraa of qulquleesse. Yoo Rabbiin isa hin gargaarin, qormaata cimaa ofirraa ittisu akka hin dandeenye ni beeksise: â€œYoo Ati shira isaanii narraa hin deebisin, gara isaanitti daba.â€œ Kana jechuun yaa Rabbi! Ani dadhabaadha, badii ofirraa deebisuuhin dandaâ€™u, yoo Ati sharri dubartoota kanninii narraa hin deebisin, ani gara isaanitti dabuun badii keessatti kufaa, wallaaltota sababa wallaalummaa isaanitiin badiitti kufan keessaa tokko taâ€™a.

Tan baditti waamaa turte niiti Azizi. Dubartoonni biroo immoo badii akka hojjatuuf isa jajjabeessan. Kanaafu, hundi isaaniitu badii sagaagalumma akka raawwatuuf shira xaxan.

Asitti â€œwallaaltota keessaa tokko taâ€™a.â€œ jechuun kadhaa isaa xumure. Sagaagalummaatti kufuun wallaalumaadha. Sababni isaas, namni sagaagalummaa raawwatu Jannata keessatti miâ€™aa turaa fi itti fufaa dhiissee miâ€™aa xiqqoo fi yeroo gabaabduuf turu filata. Namni kana dhiissee san filatu, isa caalaa namni wallaalaan ni jiraa? Dhugumatti, beekumsaa fi qarummaan wantoota gaggaarii fi miâ€™aawaa lamaan keessaa guddaa kan taâ€™etti nama waama. Kanaafu, namni beekumsaa fi qarummaa qabu wanta dhumti isaa faarfamaa taâ€™e filata [1]

٣٤

فَاسْتَجَابَ لَهُ رَبُّهُ فَصَرَفَ عَنْهُ كَيْدَهُنَّ إِنَّهُ هُوَ السَّمِيعُ الْعَلِيمُ

â€œKanaafu, Gooftaan isaa deebii isaaf deebise, shira isaaniis isa irraa garagalche. Dhugumatti, Inni Dhagayaa, Beekadha.â€ Suuratu Yuusuf 12:34

Rabbiin Yuusufiif deebii ni deebise, wanta niitin Aziizi fi hiriyyooni ishii isarraa barbaadan isarraa ni deebise. Dhugumatti, Rabbiin kadhaa Yuusufi fi kadhaa uumamtoota Isaa hunda ni dhagaya, haajaa isaaniitii fi wanta isaaniif tolu hunda ni beeka.[\[2\]](#)

Akka kanatti, Rabbiin Yuusufin qormaata jabaa kana irraa isa baraare. Warri isa bulchan immoo yommuu oduun garmalee babalâ€™atuu, murtii isa hidhu irra gahan:

٣٥

ثُمَّ بَدَا لَهُم مِّنْ بَعْدِ مَا رَأَوْا أَلَيْتِ لَيَسْجُنْنَاهُ حَتَّىٰ حَيْنٍ

â€œMallattoolee erga arganii booda, hanga yeroo murtaaâ€™ee isa hidhuun isaanitti mulâ€™ate.â€ Suuratu Yuusuf 12:35

Kana jechuun Aziiz fi warri isa waliin jiran, ragaalee Yuusuf qulqulluu taâ€™uu agarsiisu osoo arganuu hanga yeroo murtaaâ€™e Yuusufin hidhuuf irratti wali galan. Sababni isaan kana godhaniif, oduu addaan kutuu fi namoonni akka dagataniifi. Oduun tokko yoo babalâ€™ate, dubbatamu itti fufa. Sababni isaa jiraachu waliin ni babalâ€™ata. Yoo sababni isaa bade immoo, ni dagatama. Aziizi fi warri isa waliin jiran, kuni buâ€™a qabeessa akka isaaniif taâ€™e ni argan. Kanaafu, Yuusufin mana hidhaa keessa seensisan.[\[3\]](#)

Yuusuf (aleyh salaam) gaddaa fi rakkoo cimaa fuundaratti obsa guddaa agarsiise. Yommuu ijoollummaa eelatti ni darbame, ergasii Rabbiin isa baraaruun mijaaâ€™innaa fi nageenya keessa godhe. Kunoo amma Rabbiin qormaata daran cimaa taâ€™en isa qoraa jira: mana hidhaa. Kuni kan agarsiisu, qormaanni muxanno yeroo takka qunnamanii darbuu miti. Kana irra, jireenyi addunyaa tuni sansalata qormaataati. Akkuma rakkoo fi mijaaâ€™inni dhufuun, rakkoo fi mijaaâ€™inni itti aanu guddaa taâ€™a. Xumura qormaata hundaa irratti warra qormaata darbaniif mindaa guddaa, jirenya zalaalami Jannataatu jira.[\[4\]](#)

Guduunfaa

âœ•Qormaanni (fitnaan) gurguddaan lama yommuu nama fuunduratti dhiyaatu, miidhaan isaa xiqqaan kan taâ€™e filatan. Asitti Yuusuf fitnaan lama isa fuunduratti bahe: mana hidhaatti darbamuu fi niiti Aziizitiif fedhii ishii guutuu (zinaa raawwachuu). Zinaan miidhaan isaa guddaadha. Addunyaa keessatti qalbiin akka hidhamtu, dhiphattu fi salphatan nama taasisa. Aakhiratti adabbii azaabaa cimaaf nama saaxila. Hidhaan immoo yommuu adabbii Aakhiraatiin wal-bira qabamu yeroo gabaabaaf kan turuudha. Kanaafu, Yuusuf (aleyh salaam) Gooftaa isaa faallessu irra mana hidhaa filate.

١٣

قُلْ إِنِّي أَخَافُ إِنْ عَصَيْتُ رَبِّي عَذَابٌ يَوْمٌ عَظِيمٌ

Jedhi, ~Gooftaa kiyya yoo faallesse, dhugumatti adabbii Guyyaa Guddaa nan sodaadha.â€™â€

Suuratu Az-Zumar 39:11-13

âœ•Namni hanga fedhe iimaanaa fi taqwaa haa qabaatu, yoo Rabbiin zinaa irraa isa hin eegin zinaatti kufuu dandaâ€™a. Kanaafi, Yuusuf gara Rabbiitti dheessun zinaa irraa akka isa eegu kadhate. Nabiyyin kabajamaan kuni yoo akkanatti Gooftaa isaa kadhate, nuti warri dadhabdooni hoo maal gochuu qabnaa? Zinaa irraa akka nu tiksu Rabbiitti warwaachu qabna. Fedhiin jaalalaa akka volkaano keessa namaatti dhooyun, namni of tooâ€™achu dadhaba. Namni gariin nyaata fi dhugaati irraa obsuu dandaâ€™a, garuu dubartoota irraa obsuun garmalee itti ulfaata. Kanaafu, zinaa irraa Rabbiin akka nu eegu halkanii guyyaa Isatti warwaachu qabna. â€œYaa Rabbii! Zinaa irraa na eegi.â€•Chaa jennu.

âœ•Namni dhugaadhaan Rabbiitti warwaate (garmalee kadhate), Rabbiin subhaanahu wa taâ€™aalaa isaaaf ni deebii deebisa. Yuusuf dhugaadhaan ni kadhate.â€œ**Kanaafu, Gooftaan isaa deebii isaaaf deebise, shira isaaniis isaa irraa garagalche. Dhugumatti, Inni Dhagayaa, Beekadha.**â€

[1] Tafsiir Saâ€™dii-459[2] Tafsiir Muyassar-239[3] Tafsiir Saâ€™dii-459[4] Lesson from Suurah Yuusuf-76

Date Created

October 31, 2021

Author

admin